

دائرة مخصوصه

در سعادتده باب عالی جوار رنده

محل اداره :

مشرق الشرق

اخطار :

مسلكمزه موافق آثار جديده مع المنوويه
قبول اولنور

درج ايده بن آثار اعاده اولنور

ديش، فلسفه، علوم، حقوق، ادبيات و سياستمانده ربا لخاصه كرك سياسي و كرك اجتماعي و مدني احوال و شئون اسلاميه و بحث ايد و هفته ده بر نشر از انور.

آبونه بدلي

سنه لکی التي آيلنی

ممالك عثمانیه	ايچون	۶۵	۳۵	غروش
روسيه	»	۶۰۵	۳۰۵	روبله
سائر ممالك اجنبيه	»	۱۷	۹	فرائق

صاحب و مؤسسلي :

ابوالعلا زين العابدين - ح . اشرف اديب

تاريخ تأسيسی

۱۰ تموز ۳۲۴

در سعادتده نسخه سی ۵۰ پاره در

قبرله دن مقوا بورو ايله کوندريليرسه سنوی
۲۰ غروش فضله آلنیر

عدد : ۱۰۷

۱۸ رمضان ۳۲۸ پنجشنبه ۹ ايلول ۳۲۶

بشنجی جلد

تراجم احوال:

اسکداری حامد افندی

اسکداریده عنادیه محله سنده کی جلوتی درگاهنک بانیسی طریقت جلوتیه مشایخ عظامندن باندیرمه لی شیخ یوسف افندینک بویوک مخدومی وصاحب دیوان عارفانه هاشم افندینک برادر اکبری اولوب مولدا اسکداری در . علی الاصول اکمال تحصیل علوم و تکمیل سلو کدن صو کره محضا استکمال فیض علوم مقصدیه عربستانه عزیمتله سوریه و تخصیص مصرده ملاقی اولدینی اعظم علمدان بالتم اخذ اجازت ایدرک مدینه منوره ده اختیار مجاورت ایله یوب بر طرفدن آثار متنوعه تألیفی بر طرفدن علوم آلیه وعالیه تدریسیله مشغول اولدی . و (۱۱۷۲) تاریخنده عالم فانییه وداع ایلهدی . صاحب ترجمه نیک بین العلماء والمشاخ فضیلتیه متناسب اشتهار ایدمه مه سی مجرد آثارینک طبعنه همت اولونمادیغندن نشأت ایلهمشدر . (عقود الفرائد فی حدود العقائد) اسمنده کی اثرینک مقدمه سنده تألیفاتنک سکسانه بالغ اولدینی تصریح ایله یورکه منظور عاجزی اولانلرندن بعضیلری بوجه آتیدر :

- (۱) تعریفات علم اصول حدیث (عقودالدرر فی حدود علم الاثر)
- (۲) » عقائد (عقودالفرائد فی حدودالعقائد)
- (۳) » اصول فقه (تعریفات الفحول)
- (۴) » فرائض (شهودالفرائض)
- (۵) » آداب (شهودالغالب)
- (۶) » عروض وقوافی (مهمات الکافی)
- (۷) » نحو (شهودالصحو)
- (۸) » تعریف (جیودالتعریف)
- (۹) » منطق ومیزان (مخلفات حکماء اليونان فی معرفات

علم المیزان)

- (۱۰) تیجان فضائل الشهور
- (۱۱) درة التیجان والفلائس ورونق الوعظ والمجالس
- (۱۲) بدر التمام فی تخریج احادیث شرعة الاسلام
- (۱۳) سیل العرم فی جامع الکلم
- (۱۴) عقود الآلی
- (۱۵) جامع روایات لفهارس ولامع قلوب اهل المدارس
- (۱۶) جوامع النسم فی جوامع الکلم
- (۱۷) تبیین المسلسلات فی الحدیث

اشبو آثارک قسم اعظمی پدر عالیلری درگاهنده محفوظ اولدینی کی صو ک اثرینک برنسخه سی ده (یره باتان) محنه سنده کی (اسعد افندی) کتبخانه سنده موجوددر .

محمد طاهر

نامنده برذات ایلک دفعه اوله رق کعبه بی پوشیده لرله ستر ایلشدر . کعبه معظمه من قدیم الزمان انظار عربانده مقدس ومحترم بولنش و (غسان) قبیله سی اکا مشابه بر بنا انشا ایلسندن نشی قبائل عربیه ارسنده جنک وجدال ظهور ایدرک غسانلرک کعبه لرینی هدم و بی نشان ایلشدر .

مؤخرأ کعبه معظمه به هر قبیله به منسوب بر رصنم وضع ایلشدر . دروننده اطرافی ملائکه کرام رسملریله محاط حضرت ابراهیم علیه السلام صورتی اولدینی کبی خارجنده اوجیوز التمش صنم موجود ایدی اصنام ثلثه مذ کوره دخی بومیانه ده داخل ایدیلر .

(هبل) بیوک (بعل) دنیلان صنم مشهوردر . مذ کور صنم یدنده توبسز یدی اوق طوتمش قرمزی طاشیدن معمول انسان شکلنده برر هیکل ایدی . آساف ایه ارکک ونائل دیشی شکلنده برر هیکل ایدیلر . کویا اشبو ایکی صنم فعل شنیعده بولنلرندن طولای مسخ اولنه رق طاش اولدقلری زعمنده ایدیلر .

بالجمله قبائل عربیه هر سینه کعبه نیک زیارتنه کلدیکلری کبی صفا و مروه عمودلری ارسنده سی و کعبه بی طواف ایلرلر ایدی . زیارت مذ کوره ایچون سنده دوت آبی اشهر حرم عدیله قبائل اعراب یکدیکلریله اشهر مذ کوره ایچنده جنک وجدالدن اجتناب ایلرلر ایدی . یالکز اعرابدن طی و کدحم قبیله لرله الحارث بن نعب ذریقتدن بعضلری بو زیارته شتاب ایلرلر ایدی . بابلدن حجازه فرار ایدن یهو - دیلرله رومالولرک شمشیر قهر و تدمیرلرندن خطه مذ کوره یه النجا ایدن خرستیانلردن بشقه حجاز عربانک احوال و معتقداتی خصوصات مشرو - حه دن عبارت ایدی . خرستیانلردن نسطوریلرله یعقوبیلر حجازده مقیم اولدقلری کبی (اریان) خرستیانلردن دخی بر چوق کمنه بولنور ایدی .

کرچه عربلر عقائد اصایه لرند نابتقدم اولدقلرندن بر امر مسلم ایسده خرستیان و یهودیلرله اختلاط نتیجه سی اوله رق یکدیکلرلرینک معتقداتی حقنده بر فکر اجمالی حاصل ایلشدر ایدی . عربلریهودیلری کندیلرینه عمزاده اعتبار وسنت ختان خصوصنده دخی هم افکار اولملریله اره لرند بر نوع النسیت پیدا اولمش ایسده انجق عربلر عبادت اصنام ایله زیارت بیت الحرامدن واز کچماش بمن عربانندن بر قسمی بعث محمدیه دن یدی یوز سینه اقدم یانت موسویه به کیرمش و میلاد نبویدن یتش سینه اقدم بمن حکمداری بولسان ابونواس) یهودی اولمیان عربان ایله بر چوق خرستیانلری اتشده یاقمش اولسیله بوندن منفعل اولان حبش حکمداری نجاشی جیش فراوان ایله یتنه هجوم واستیلا ویکرمی سینه مدت یتنده حکمفرما اولمشدر .